

Sammelband
quarto

1161.

+

- 7 10.) ff. de crimine lese Majestatis
11.) ff. de damnable extra matrimonium cohabitatione
12.) ff. de eode hominis
13.) ff. de incendiis vi publica et crimine falsi
14.) ff. de crimine repetundarum ff.
15.) ff. de iudicio criminali
16.) ff. de assessoribus iudicii Co.
17.) ff. de procuratoribus et advocatis Jud. Crim.

Josephus Maria

Q. S. P. B. U.
DISSERTATIO JURIDICA
De
FRUCTIBUS,

Quam
Consensu & Autoritate Magnifici Jctorum Ordinis
In Illustrissimâ ad Albim Wittebergâ

PRÆSIDENTE

RECTORE MAGNIFICO

VIRO NOBILISSIMO, AMPLISSIMO, CONSULTISSIMO
juxta ac EXCELLENTISSIMO

DN. MICHAELE FRIDERICO
LEDERERO,

Jcto & Antecessore in hac Almâ Leucorea Celeberrimo
Curia Electoralis Scabinatus & Facultatis Juridicæ Assesore
Gravissimo,

DNO. Patrono desideratissimo, ac Promotore suo usq; & usq;
devenerando,

Publicæ Eruditorum Ventilationi
officiosè submittit

AUTOR & RESPOND:

JOHANN. SIGISMUNDUS Zannen-Bergl

W. S.

In Auditorio Jctorum

ad diem 17. Junii An. clc lre LXXI.


Literis MICHAELIS MEYERI.



DISSERTATIO MEDICA
FRUCTIBUS
RECTORIS MAGNIFICI
DN MICHAELIS FRIBERICI
LEBERERIS
ABRAHAM CALVILLO
JOHANNES SIGISMUNDUS JUNIOR
SILVANO
LUGDUNI
ANNO MDCCCLXXII

27





EN age! felici conscendas o-
mine docta
Pulpita, mercedem Diva
Themista dabit.

P R Æ S E S.



DE fructibus dum disputas
Fructus feras quàm plurimos!

ita voveo

ABRAHAM CALOVIUS, D.



Sic didicisse juvat sacrati dogmata Juris,
Sic Themidos Cathedram non sine lau-
de subis;

Arden-

Ardentis studii jam nunc de FRUCTIBUS Ipse
TANNENBERGE edes egregium Specimen :
Gratulor his cœptis, quæ summus Jöva secun-
det,

Qvo Patriæ laudes condecorare queas!

*In honorem Dni. Autoris applaudente manu
addebat hæc*

Vern. Theodorus Martini, D. & P.P.



Sic DEUS ex alto susceptos ipse labores
Prosperat & divâ cœpta secundet ope,
Sic & abundantem messem largitur honoris
Istis, quos preslit duriter ipse labor.
Gratulor hanc sortem, Tibi quæ suavissime Amice
Obtigit, at Patriæ gaudia mille dabit.

*Hisce Clarissimo Dn. Autori Amico suo singula-
riter colendo grat. vol.*

Christianus Hartmannus Lede-
rerus, U. J. D.



IN NOMINE SERVATORIS NOSTRI
HUMANI GENERIS CHRISTI JESU!

Per quem omnia confecta sunt, l. 2. §. 1. C. de Veteri jure enucl. ad cuius adiutorium animimum erigo meum, ut neq; ingenio confidam meo, sed omnem spem ad solam referam summæ Trinitatis providentiam, unde mundi totius elementa processere & rerum dispositio in orbem terrarum producta est, l. 1. C. d. tit. ad omnia consilia, omnesq; actus perpetim rectè progredior, l. 2. in pr. C. de offic. pref. præf. Afric.

THES. I.

Tractationem fructus mihi suscipienti nihil prius, nihil antiquius, vel in ipsò vestibulò habendum, quam nominis ipsius naturam, quantum fieri potest, investigare. Originatione enim vocis cognitâ in ipsius rei perceptionem persæpè nos provehi subtilissimus tradit Scaliger, Exerc. 1. sect. 1 & Exerc. 325. sect. 9. in fin. Vocabuli enim notatio, seu resolutio quodammodo naturam & substantiam rei declarat, vid. JOHANN. à REBERTERIA Jctus in Academ. Parisiensi LL. Prof. & in supremo Senatu causarum Patronus in suis Topic. lib. 1. cap. 7. fol. m. 5. Hinc etiam non infimi subsellii Juris Dd. admodum laboriosi fuère in enucleandâ atqve enodandâ verborum origine, hocq; per facilè probo ex l. 1. de Just. & Jur. l. 1. §. 1. de pactis l. 1. §. 1. de tutelis, l. 1. de furtis, §. 2. Inst. de tutel. §. 2. de obligationibus, quæ ex delict. nasc. Prin. de testâ. ord. videat por-
A rò cui

rd cui volupe est, citati autoris JOHANN. à REBERTER, pag. 6. b. *Sermoni autem Latiali voc abulum FRUCTUS natales debet suos, dictumq; à fruendo, quia percipiendo fructus re fruimur*, Isidor. lib. 17. Etymolog. c. 3. & 6. JOHANN. GOEDDÆ: ad l. 77. n. 1. de V. S. Varro de Lingva Latina lib. 4. DN. CUNRAD. RITTERSHUS. in Comment. Inst. ad §. si quis à non Domino de R. D.

THES. II.

Cognitâ sic Etymologiâ, ad cognitionem Homonymiæ ordine progredior, ob vulgatum illud, quod mihi perbenè arridet: *Omne Homonymum, seu multiplex prius dividendum quam definiendum*. Unde larvâ æquivocationis nondum detectâ intellectus, qui natura imbecillis ac debilis est, perfacilè fallitur, decipitur. Ergo hîc præmittendum necesario est, me non de *Impropriis acturum, quales Fructus matrimonii sunt Liberi*, vid. Paratitla WESENBECH, præprimis tit. de agnoscendis vel alendis liberis, aut *Partus ancillarum*, l. 14. de Usur. & fruct. l. 24. §. 1. ad leg. Falcid. HILIGER ad DONELLUM lib. 4. cap. 25. lit. b. §. in pecudum 37. Inst. de R. D. l. 68. pr. de usufr. & quemadm. *Cum absurdum sit hominem omnium animalium dignissimum præstantissimumq; in fructu esse, cujus gratia omnes omnino fructus rerum comparari*, l. 28. §. 1. de usur. & fruct. §. 37. Inst. de R. D. JOHANNES à REBERTERIA in suis Topic. lib. 1. cap. 6. p. m. 8. Nec ancillæ ad id comparentur ut pariant, l. 27. in pr. de hereditat. petit. Sed hominum fructus in operis consistat, l. 3. l. 4. de operis servorum. Nec *THESAURUS*, l. 3. §. 3. de acquir. vel amittenda possessione. Nec *VENATIO*, nisi fructus fundi ex venatione constet, l. 26. de usur. & fruct. vid. BRUNNEMAN. *Fructus celeberrimus ad l. 26. de usur. & fruct. Ratio, cum prædio, aut fundo feræ bestię haud cohæreant, nec illo conti-*
nean-

neantur, aut ex eis nascantur, *WESENB.* in paratit. ff. de A. R. D. n. 7. Sed potius de *Propriis*, qui ex ipso rei corpore proveniunt, l. 12. §. 1. de usufr. & quemadm. l. 7. §. 13. soluto matrim. Donell. 4. comm. 25. & ibi Hillig. lit. b. *JOH. GOEDD.* ad l. 121. n. 3. l. 62. de R. V. l. pen. de usu & usufr. leg.

THES. III.

Visa æquivocatione ad ipsissimam *Fructus* definitionem feliciter progredior & dico, quod *generaliter sint omnes utilitates ex re aliqua, aut ejus occasione provenientes*, l. 7. l. 9. in pr. de usufr. & quemadmodum, l. 29. de hereditat. petit. l. 19. l. 36. de usur. & fruct. vide prælectiones publicas *Speçtabilis Dn. DECANI, Viri Nobilissimi juxta ac Excellentiss. D. NERGERI, Patroni ac Promotoris mei observanter colendi* ad l. 7. de jure dotium. *Ludwiel* ad l. 72. de R. l. n. 1. ut & *JOH. Strauch* disert. 18. aphor. 6. Magis enim proprie sumuntur pro utilitate, quæ ex ipso rei corpore ad istiusmodi emolumentum parato, percipitur, l. 62. de R. V. l. pen. de usu & usufr. leg. l. 12. §. 1. de usufr. & quemadm. l. 7. §. 13. soluto matrim. *JOHAN. GOEDD.* ad l. 121. n. 3. de V. S.

THES. IV.

Perlustratâ sic reali definitione, de *divisione* ero sollicitus: Enimvero quælibet res divisa melius intelligitur, animùmquæ; legentis incitat, mentem intelligentis benè præparat, memoriam artificiosè informat & difficultates ex permistâ traditione procedentes per separationem explicat, vide sis, *Speçtabilis Dn. DECANI, Viri Nobilissimi ac Excellentissimi D. NERGERI* lectiones publicas ad §. 1. l. 3 de jure dotium. *Dividuntur autem Fructus in Naturales, quæ proprietate dicti, Civiles quæ improprietate dicti, audi ite-*

A 2

rum

rum *Prælect. publ. Spectabilis DN. DECANI jam jam allegatas.* JOHAN. GOEDDÆ: ad l. 77. n. 10. de V. S. STRU. in suis *Evolut. ad tit. de R. V. th. 17. Prius de Naturalibus, qvi ex ipsissimò rei corpore, ejusq; usu ad fruitionem utilitatemq; possessoris proveniunt, vide JOHAN. STRAUCHII disertat. 18. aph. 6 ZOESI: ad π. tit. de usur. n. 40. ut & Declarationem Juris Civilis Vaconii à Vacuna 74. JOHAN. GOEDDÆ: ad l. 121. de V. S. n. 2. l. 62. de Rei Vind. l. pen. de usu & usufr. legat. l. 7. solut. matrim. WESENBE C. ad §. si quis à non domino 35. num. 8. vers. fructus Inst. de R. D. ibid. Schneidew. n. 3. M TNSING. n. 7. Coras. lib. 5. miscell. c. 9. Naturales rursus sunt, vel omnino tales, qvi culturam atq; industriam humanam notabilem haud requirunt, v. c. fœnum, cerasa, poma, pyra, nuces, glandes, lex fructus 45. de usur. & fruct. l. 62. vers. nam etsi de R. V. WESENBE C. in paratit. ff. de usur. & fruct. n. 16. Item lana, lac, l. 28. in pr. d. tit. Vel Industriales, qvos natura qvidem etiam ex corpore rei producit, sed non sola, verum accedente labore, curâ & industriâ humanâ, §. si quis à non domino 35. Inst. de R. D. l. 25. §. 1. de usur. & fruct. Dn. JOH. STRAUCH disert. 18. aph. 6. ZOES. ad π. de usur. & fruct. n. 40. l. Bonæ fidei 48. §. 2. de A. R. D. l. 45. de usur. & fruct. uti est triticum, hordeum, spelta, briza, far, ador, vicia, avena, nec milium & panicum, qvæ omnia frumentorum genera ex sparsò nascuntur semine, excludo, GOEDDÆ: ad l. 77. n. 3. de V. S. Huc refero fœtus ovium, qvia in his alendis maxima sumptuosa impensa requiruntur, sine qvibus fœtus parvi estimarentur, vid. JOHANN. à REBERTERIA J Ct. in Academia Parisiensi LL. Prof. disput. Jur. lib. 4. in libr. Instit. p. m. 110. b.*

THES.

THES. V.

In præcedenti thesi distinctionem feci inter Fructus Naturales atq; Civiles, de Naturalibus dixi; Jam recta progressum facio ad *Civiles Fructus*, qui non propriè, sed *κατὰ ἔννοιαν* tales sunt, nec ex ipsò corpore nascuntur, sed *ratione rei percipiuntur jure Civili*, Dn. JOHANN. STRAUCH. disert. 18. aphor. 6. JOHANN. HARPPRECHT, ad J. de usufr. §. constituitur, n. 100. WESENB. in paratit. ff. de usur. & fruct. n. 16. exempl. grat. *usura, pensio, interesse*, l. 36. l. 34. de usur & fruct. l. si navis 62. vers. nam & si de R. V. l. usura pecuniæ 121. de V. S. vide sis declarationem juris Civilis Vacunni à Vacuna 74. Enimverò res natura sterilis fructum producere propriè nequit, l. 62. de Rei vind. Hinc ex Aristotele Peripatericorum Principe monstrum est, ut pecunia generet pecuniam, quia pecunia est res sterilis. Sed responsio est in promptu, quippe respectu sui ipsius est sterilis, sed non est sterilis ratione commutationis & usus, exempl. grat. Hypocaustum est sterile & nihilominus tamen producit fructus, accedente nempe industriâ humanâ; plura, qui desiderat, adeat si lubet *Rectoris Magnifici, Viri Nobilissimi ac Excellentissimi D. LEDERERI discursum privatim communicatum* ad disputat. 13. SCHNOBEL. cui pro navata studiis meis fidelissima opera, haud unquam satis dignas referre possum grates. Unde usuræ fructuum duntaxat vicem obtinere dicuntur, l. 34. de usur. & fruct.

THES. VI. & VII.

Haftenus de fructibus ratione sui ipsius consideratis egi atq; tractavi. *Nunc non inconcinne erit, si de fructibus, qui considerantur partim ratione hominis, partim ratione fundi*

*fundi agam: Suntq; vel extantes, vel consumpti: Extantes dicuntur, qvi revera in possessoris, vel Domini bonis reperiuntur, W E S E N B. ad §. si quis à non domino 35. n. 8. Inst. R. D. Et hi vicissim sunt vel pendentes vel percepti: Pendentes, Germanicè noch stehende / qvi nondum sunt separati à solo, licet jam jam nati atqve formati, l. 12. §. 5. l. 27. in pr. de usufr. & quem adm. & hi censentur pars fundi, in l. 44. de Rei vind. l. 61. §. 8. de furtis, vide Juris Interpretem Subtilissimum J C T U M, BRUNNEMANNUM ad l. 44. de Rei vind. n. 1. Pendentes porrò sunt vel maturi, vel nondum maturi, l. 13. §. 10. de action. empt. & vendi §. is vero 36 Inst. de R. D. Percepti, qvi simul atq; à re, qva tenebantur, quocunq; modo separati sunt, licet in borrea nondum reconditi, Ob sic schon noch nicht eingesamlet vid. J C T. S I C H A R D. Tomus 1. in Codic. de Rei vind. l. 5. n. 3. Dn. H A H N. in Observ. ad ff. quibus modis usufr. amitt. num. 3. l. 13. eod. l. 25. §. 1. de usur. & fruct. l. 48. de A. R. D. Huc referri possunt etiam prælectiones publicæ Spectabilis Dn. DECANI, Viri Nobilissimi Excellentissimiq; D. N E R G E R I Patroni ac Promotoris studiorum meorum omni observantia cultu de venerandi ad §. 1. l. 7. de Jure dotium, videatur optimus textus in l. 78. de Rei Vind. Ubi jctus perceptos fructus secundum communem significationem describit: Fructuum perceptionem etiam accipere debemus, non si perfectè collecti, sed & cœpti, i. e. qvoqvò modo à solò separati, ut terra continere se fructus desierint, exempli causa: Si olivæ, uvæ lectæ, nondum autem vinum, oleum ab aliquo factum sit: Cujac. 11. obs. 39 Z O E S. in comment. ad π. de A. R. D. n. 64. Percepti porrò sunt vel revera percepti, vel qvi percipi potuerunt honestè, nondum autem percepti vulgo percipiendi dicti, l. 33. de R. V. Consumpti tandem sunt, qvi vel alienati vel consumpti in-
qve*

quæ bonis possessoris esse desierunt, l. 25. §. 11. de heredit:
petit.

THES. IIX.

Huc usque de fructibus obiter disserui: Jam nunc
ad acquisitionem eorundem paucis pergendum est,
quæ, ni fallor, pro personarum diversitate multiplex de-
prehenditur: *Quippe Jure servitutis usufructuarius perci-
pit fructus, si ipsemet eos perceperit, §. is vero 36. Inst. d. R.
D.* Ex hisce fluit jucundus & elegans casus: *Titius usufru-
ctuarius fructibus jam maturis nondum tamen perceptis dece-
dit: Jam questionis est numnam ad ejus heredes, numnam
verò ad proprietatis dominum fructus maturi pertineant?*
Ratio dubitandi esse potest eos spectare ad heredes, cum
una eademque sit persona heredis & defuncti, Nov. 48. in
præfat. *Ludwiel de divers. R. I. antiq. ad l. 42. n. 8.* Sed
ratio decidendi depromitur ex LL. subsequ. quia usufru-
ctus est jus personale, quod cum personam defuncti extin-
ctum censetur, §. pen. Inst. de usufr. l. 54. d. R. J. §. is verò
36. Inst. d. R. D. l. 12. §. 5. de usufr. & quemadm. l. 196. d. R.
J. capit: privilegium 7. de R. J. in 6to. Hoc etiam nullam
sapit iniquitatem; quamvis in thesi æquum sit, ut usufru-
ctuarii heres impensas infundo factas ab usufructuario,
consequatur; Illud autem hic plane nihil facit, propterea
quod contra illi fructus, qui sunt eò tempore quò dies usufru-
ctus legati cedit pendentes & maturi ad fructuarium
pertinent, l. 27. pr. de usufruct. & quemadm. vid. Dn.
Hahn. observat theor. practic. ad Wesenb. n. 3. tit. quibus
modis usufr. amitt. *Ab hoc tamen jure civili divortium fe-
cit Jus Saxonicum, ibi enim: Waß die Egede bestrichen
und*

und die Hecke bedecket hat / Das folget dem Erbe : Et
ita non perceptionis, sed culturæ rationem habet, Land-
recht lib. 3. art. 76. & 77. Dn. CARPZ. p. 3. c. 32. d. 5. FIN-
CKELTHUS. obs. 54. Dn. Richter decif. 56. n. 4.

THES. IX.

Thesin præcedentem excipiunt quæstiones subse-
quentes. (1) *Num Bonæ fidei possessoris conditio sit me-
lior, num verò usufructuarii?* Resp. Bonæ fidei posses-
soris: Ratio est, quia plus juris habet in fructibus percipien-
dis, dum etiam fructus ab aliò sine ipsius mandatò fure
fortè à terrâ separatos ad heredes transmittit, l. 25. §. 1.
versu præterea de usuris & fruct. Fructuarius autem non
aliter, quam si ipsemet, vel alius ejus nomine fructus per-
ceperit, §. is vero 36. inst. de R. D. l. 13. quibus modis usus-
fr. amitt. l. 25. §. 1. de usur. & fruct. Unde si fur fructus de-
cerperit, aut defecuerit, hi non sunt fructuarii, & ideo
nec conditio furtiva Domino tantum competens, sed a-
ctio furti eidem tribuitur, l. 12. §. 5. de usufr. & quemadm.
(2) *Num oliva, quæ per se ipsam decidit ad fructuarium, num
ad proprietarium pertineat?* Resp. ad proprietarium,
tum, quia percepisse olivam fructuarius non videtur, qui
eam quæ per se decidit, sustulit: Tum, quia opera sua, vel
per alium eam non percepit, l. 13. quibus modis u-
susfruct.

THES. X.

*De cetero non possum non convenientiam atq; differen-
tiam Coloni ut & usufructuarii paucis attingere: Quippe,*
con-

*conveniunt, quod uterque fructus non faciat suos nisi ipse-
met eos perceperit, non autem si alius, l. 61. §. 8. de furtis
l. 60. §. 5. locati conducti. Et ex indè Colono ratione fru-
ctuum furto ablatorum non datur conditio, sed actio
furti, quia ipsius inter est fructus non esse surreptos, cum
alias eos fecisset suos, l. 26. §. 1. de furtis. Differunt quod
colonus nudam tantum ex jure ad rem habeat detentio-
nem; Usufructuarius verò ex jure in re & sic longe firmio-
ri fundum possideat jure. Deinceps, quod heres in lo-
cum coloni intra tempus conductionis mortui succedat,
l. 10. C. de locato cond. §. ult. inst. eod. Usufructuarius ve-
rò jus suum ad heredes non transmittat, §. 3. Inst. de u-
sufuct.*

THES. XI.

Percipimus etiam jure domini omnis generis fru-
ctus sine controversia, quod notissimi est juris, quodque
patet ad oculum ex innumerabilibus juris textibus, præ-
primis autem sequentes mihi in præsentiarum arrident, §.
item ea. 19. Inst. de R. D. l. 6. l. 2, de A. R. D. l. 25. in pr. de
usuris & fructibus.

THES. XII.

Hic loci quidem primitus quicquam in medium
proferendum esset, de digniore, nempe bonæ fidei pos-
sessore; sed *ὄστρον ἀγροῦ* hic committere haud perpe-
ram erit: Tum, quia ut plurimum malæ fidei possesores
hisce in terris reperiuntur: Tum, quia etiam primario
Legum latores subtilissimi, ingeniosissimi que sunt de iis,

B

quæ

quæ ἐπὶ τὸ πλεῖστον accidunt solliciti. *Mala fidei possessor restituere cogitur omnes fructus, tam consumptos, quam exstantes & tam percipiendos, quam perceptos* Dn. JOH. STRAUCH. disert. 18. aphor. II. Nobiliss. Dn. D. Christ. Hartmann Lederer promotor Studiorum meorum observantissimus in prælect. privat. ad §. 35. J. de R. D. l. 62. §. 1. l. 33. de Rei vind. l. 39. §. 1. de legat. 1. l. 10. §. 20. quæ in fraudem creditor. §. si quis à non domino 35. Inst. de R. D. l. 12. C. de rei vind. l. qui scit 25. de usur- & fruct. *Sive ex honestâ causâ, sive ex in honesta, ut ex lupanari, l. 27. §. 1. de heredit. petit. ratio est, quia malæ fidei possessor ex re aliena nullos omnino fructus, nulla lucra percipere debet; idque ideò ut delictis occurratur, vid. Dn. CUNRAD. Rittershus. in comment. Inst. ad §. 35. de R. D. Zoësius in comment. ad ff. de A. R. D. n. 68. Est alias quidem differentia inter eum, qui sine titulò possidet, & illum qui cum titulò, sed quoad fructuum restitutionem inter illos nulla est differentia: Enim verò titulus malam fidem non mutat sive injuriam, quæ afficeretur petitor, quam titulus nulla in re minuit. Quid enim aliud est titulum adhibere quam fraudi latebram & injuriæ prætextum quærere, ut alienâ in re liberius grasari liceat? l. 6. de suspectis tutor: Non obstat l. 17. C. de Rei vind. ubi dicitur, eum, qui emit rem alienam esse bonæ fidei possessorem, cum titulus inducat bonam fidem, & tamen teneri omnes fructus restituere. Resp. emptorem ibi constitutum fuisse in mala fide ob denunciationem factam à verò Domino, ideoque omnes fructus restituere coactum fuisse. Ex jam jam dictis fluit quæstio aureò calculò notanda: *Utrum ista restitutio omnium fructuum sapiat iniquitatem?* Resp. neg. *Quis**

Quilibet enim, uti fuisse tradit Iustus summus Imperator sac-
cratissimus in l. ii. C. unde vi, scire debet, quod suum non
est, hoc ad alios modis omnibus pertinere: Præterea cul-
pa est immiscere se rei ad se non pertinenti, l. 36. de R. J.
capit. non est sine causa 19. de R. J. in 6to. l. 4. §. 2. finium
regund. Quippe cum malæ fidei posesor sciens alienum
fundum occupat, nemini nisi sibi ipsi hoc imputare debet,
quando fructus etiam consumptos restituere cogitur;
Quia qui damnum culpa sentit sua non intelligitur dam-
num sentire, l. 203. de R. J. capit. damnum. 86. de R. J. in
6to. l. 46. §. 5. de procurator. l. 9. l. 17. de noxalibus action. l. 15.
si quis omista causa.

THES. XIII.

Recta nunc via progressum facio ad bonæ fidei posses-
sorem, qui omnes omnino fructus tam naturales, quam indu-
striales consumptos irrevocabiliter suos facit, §. si quis à non
domino 35. J. de R. D. Bonæ fidei, 48. de A. R. D. l. 136. de
R. J. l. 25. pr. §. 1. de usur. & fraud. l. in pecudum 28. d. tit. l.
78. de Rei Vind. Bronchorst centur. 3. assert. 78. Harprecht
ad §. si quis à non domino 35. n. 35. & seqq. Ante consumpti-
onem vero revocabiliter, quia, consumptio demum plenè &
irrevocabiliter fructus bonæ fidei possessori acquirit, Fach.
l. cent. 57. l. 48. §. 1. de A. R. D. l. 4. §. 2. finium regund. §. 2.
Inst. de Officio jud. l. 22. C. de Rei Vind. Post consumptio-
nem irrevocabiliter etiam si factus sit locupletior, l. 4. §. 2. fi-
niium regunt. §. si quis à non domino 35. Inst. de R. D. Dn.
JOHANN. STRAUCH distert 18. aphor. 9. & 10. Bonæ
fidei enim possessori in percipiendis fructibus id juris tri-
butum, quod dominis prædiorum competit, l. 25. §. 1. de

usur. & fructib. Hinc ex præcedentibus fuit quæstio.
Num nam Bona fidei possessor olivas, quæ ^{fructus naturales} sunt & sola prope natura, æq; ac pyrum, pomum & ceteri naturales fructus proveniunt, suos faciat, l. 42. de usu & usufr. legat. l. 78. de R. V. ? quod affirmo, cum omnes fructus non jure seminis, sed soli percipiantur, l. 25. §. 1. de usur. l. 45. de A. R. D.

THES XIV.

Porro disquiritur de pendentibus re evictâ, num restituendi veniant à bona fidei possessore? Resp. quod sic, quia pars fundi censentur, l. 44. de R. V. l. 22. C. eod. l. 12. §. 11. de instructo & instrumento legato, l. 61. §. 8. de furtis §. 32. de R. D. l. 9. de A. R. D. neque enim amplius semen, quod solo injectum est inspicitur, sed solum in quod injectum est, l. 25. §. 1. de usur. & fruct. l. 11. C. de R. V. præcipue, si lis contestata fuerit, quia post eam incipit esse malæ fidei possessor; videt enim rem esse alienam. Denique, quia fructus pendentes cedunt solo, ad quem nempe spectat totum, ad eundem & partem pertinere indubitatum existit, capit. accessorium 42. de R. J. in 6to. l. 76. in pr. de R. V. Unde & is, qui agrum alienum bonâ fide conseruit propter jus accessionis semen repetere non potest; Ut ut tutus satis sit contra dominum soli æstimationem seminis restituere recusantem exceptione doli mali, dummodo in possessione agri illius adhuc constitutus sit, l. 9. pr. de A. R. D. l. 11. C. de R. V. §. 32. Inst. de R. D. Jure quoq; Saxonico frumenta in alieno solo sata ad dominum fundi, ita tamen ut bona fidei possessori æstimatio restituatur, pertinere, testatur B. DN. CARPZ, l. 1. R. 100. n. 13. & seqq. vid. Etiam Glos. jur.

jur. Sax. in art. 49. lib. 2. ubi famosissima traditur regula:
Qui colit fundum bona fide, lucratur fructus: Qui verò ma-
lè facit illos perdit, Germanicè. Wer das Land unwise-
sentlich besäet; Der behält seine Arbeit/ wer das wissent-
lich thut der verleiret seine Arbeit. Schneidew. in
comment. J. de R. D. §. 23. Schulz in sua synops. p.
m. 82.

THES. XV.

Quod autem bonæ fidei possessor non secus ac Do-
minus regulariter percipiendo omnes omnino fructus su-
os faciat, duplex ratio in promptu est: *altera principalis*
bona scilicet fides, ut nempe ignoret rem esse alienam, aut
eum, qui alienat jus alienandi habere putet, l. bonæ fidei
109. de V. S. videat cui volupe est lectiones publicas ad J. §.
35. de R. D. Magnifici Dn. Rectoris Viri Nobilissimi atq; Excel-
lentiss. D. LEDERERI Patroni mei submissè devenerandi. *Alteræ*
minus principalis Cura atq; cultura, quæ ratio licet in fructi-
bus naturalibus, quos sola natura sine ulla, aut certe exigua cu-
ra hominis producit deficere atq; cessare videatur, nihilomi-
ninus tamen bonæ fidei possessori acquiruntur æq; ac in-
dustriales, etsi natura sine industriâ humanâ, vel omnino,
vel vix & parcissimè illos producere soleat, l. 48. pr. de A.
R. D. Quoniam & in naturalibus fructibus bona fides tan-
tundem possidenti præstare debet, quantum veritas & rei
Dominium, l. 136. de R. J.

THES. XVI.

Non possum non etiam paucis attingere impensa-
rum materiam; partim quia fructus non intelliguntur ni-

B 3

si de-

si deductis impensis, l. 39. §. 1. de V. S. vide lectiones pu-
blicas Magnifici D. ZIEGLERI, Patroni ac Promotoris
studiorum meorum ætatem devenerandi ad cap. 7. X. de
jurejur. notabil. 2. l. 36. §. fin. de heredit. petit: Dn. JOH.
COPUS de fructibus lib. 1. tit. 1. cap. 6. Schneidew. ad §.
35. Inst. de R. D. n. 1. l. 7. in prin. soluto matrim. l. 1. C. de
fructibus & litium expens. Partim quia sic fieret locuple-
tior dominus cum jacturâ aliena, l. 206. de R. J. capit: lo-
cupletari 48. de R. J. in sexto, l. 14. de condict. indebiti, l. 66.
eod. l. 38. de hereditat. petit. Circa impensas hic in ante-
cessum annoto, quidnam sit tollere, & quidnam deduce-
re: *Deducere impensas est rem, in quam impense facta, jure
exceptionis tamdiu retinere, donec impensarum æstimatio præ-
stetur. Tollere vero jus retinendi aut recuperandi æstimatio-
nem non tribuit, sed tantum quod impensum re ipsa salva au-
ferendi. Impense autem sunt triplicis generis: Necessarie
alia, alia Utiles, alia deniq; Voluptuaria, l. 79. de V. S. l. 1. de
impensis in res dotales factis. Necessarias impensas paucis
prius saluto, quas tam bone, quam male fidei possessor deducit,
l. 8. de pignorat. act. l. 7. §. 19. soluto matrim. toto tit. de
impensis in res dotales fact. l. 18. §. 2. commodati vel con-
tra l. 38. de petit. heredit. l. 5. C. de R. V. vid. SCOTANI
Examen juridicum p. m. 241. Dn. JOH. STRAUCHII dis-
sertat. 18. aphor. 1. Est tamen insignis discrepantia inter
male & bone fidei possessorem. Bone fidei possessor eas de-
ducit, sive res in quam facta sunt extet, sive non. Male
fidei possessor tum demum si res extet & melior reddita, l. 38.
de heredit. petit. Ratio hujus deductionis videtur esse ne-
cessitas impendendi; quippe si factæ non fuissent, res aut
peritura, aut deterior futura fuisset, vid. Dn. ILICONIS
UMMII disputat ad processum judicium directam 22.
thes.*

thes. i. n. 4. l. 79. de V. S. l. i. §. i. de impensis in res dotales factis, uti sunt refectiones, instaurationes rerum, l. 14. de impens. in res dot. Hoc extenditur etiam ad fures, raptores, violentos invasores: Nec imputari potest prædoni ulla culpa, quod in rem alienam sciens impensas fecerit necessarias: Quia si eas impensas non fecisset res peritura fuisset, eoqve nomine malæ fidei possessor conveniri potuisset, l. 38. de hereditat. petit. l. 36. §. 5. in fin. eod. l. 5. C. de Rei vind. l. 38. ff. eod. vid Dn. JOHANN. STRAUCH. disert. 18. aphor. 1. ut & Tomum 2. HARPRECHTI ad Instit. de usufr. §. constituitur 2. n. 98. Et licet domino vindicationem instituenti absqve pretii refusione res sua libera sit præstanda per textum expressum in l. 2. C. de furtis, cum quo congruit Constitutio Criminalis CAROLI V. art. 213. ibi ohne Beschwerung & art. seq. ibi, niemand nichts schuldig sey: Excipiuntur tamen sumptus necessarii in rem furtivam, puta sustentationem pecoris facti, d. art. 213. vers. Dann allein ob solches essend Vieh / und ziemliche nohtdürfftige Ahung darauß gegangen were / dieselbe Ahung doch ohne überfluß zubezahlen.

THES. XVII.

Jam ad utiles impensas, quæ rem reddunt meliorem atqve fertiliorem, l. 14. §. i. de impens. in res dotal. fact. progressum facio, quas bonæ fidei possessor uti necessarias deducit, nisi petitor aut dominus vindicans sit pauper, ita ut satisfacere impensarum nomine nequeat: Tunc enim ex æquitate bonæ fidei possessor tollit tantum, dummodo fundi facies inde non reddatur deterior. l. in fundo alieno 38. de R. V. l. 38. in fin. de heredit. petit. Malæ fidei possessor autem sine læsione prioris status tollere tantum utiles potest,

test, concurrentibus tamen hisce tribus requisitis: Primo ut fundus, vel res, in quam impensæ sunt factæ, non deterior exinde reddatur: Deinde ut Dominus non sit paratus tantum dare, quantum posesor illis sublatis habiturus esset: Tum denique ut impensis illis sublatis, aliquid inde posesor, habiturus sit; alias imputandum ei, qui sciens ac nulla urgente necessitate in alienam rem impendit, l. 203, l. 153. de R. J. capit. scienti 27. cap. damnum 86. de R. J. in sexto.

THES. XVIII.

Deniq; ad eas impensas, quæ ad voluptatem duntaxat & ornatum speciei pertinent devenio, l. 7. pr. de impens. in res dotal. fact. l. 79. §. 2. de V. S. videatur DN. JOHANN. STRAUCH. disert. 18. aphor. 4. Quibus omisis res deterior non fit; cujusmodi sunt balnea non necessaria, aquæ salientes, haud natura è terra rumpentes ac salientes, sed artificio deductæ atque derivatæ: Viridaria, incrustationes, loricationes, picturæ, l. 39. §. videamus, l. de heredit. petit. Verum enim vero si vult habere rem dominus, æquum est, ut reddat, quæ impensa sunt à bonæ fidei posesore. Si non vult habere, pati debet ut tollat, si modo recipiant separationem, l. 39. de petit heredit. Ita enim bonæ fidei posesor servat eas per circumventionem aliquam objecta doli exceptione, si & dominus tales facturis suisset, l. 39. §. 1. d. tit. Caterum bonæ fidei posesor etiam eas deducere potest quatenus cedere quatenus possunt in utilitatem domini, l. 38. de R. V. Alias malitiis hominum non est indulgendum, ut cuiquam sine suo commodo aliis officere liceat: puta tectoria inducendo. disturbando, picturas corradendo, cancellando, l. 38. de R. V. Malæ autem fidei posesor

lesor eas tantum sine rei dispendio tollit, l. 39. §. videamus
de hereditat. petit. vid. SCOTAN. Exam. Juridic. p. m. 247.
Quid autem si salva rei substantia tolli nequeant vel radi?
Resp. pro amissis habentur, l. infundo 38. de R. V. l. 9. de im-
pensis in res dotales factis.

*In nobilissimâ hac fructuum materiâ pro in-
genii imbecillitate, rationeq; instituti lustrasse
hæc sufficiat. Humeros meos impares esse huic
labori fateor, nec admittunt ingenii mei vires
omnia enucleare atq; enodare, quia gravissima
utilisimâq; fructuum materia in varias incur-
rit materias; Hic quidem adhuc per multa an-
notari potuissent; Verum enim vero pagina-
rum mearum angustia hæc capit omnia: Ea pro-
pter si forte an alicubi aberrârim vel penicillum
perperam adhibuerim, hoc mihi condonabit Be-
nevoli Lectoris Candor, ob verba aurea acce-
drò digna, ad quæ provoco: In nullo aberrare,
seu in omnib; irreprehensibilem, seu in emendabi-
lem esse divinæ utiq; solius, non autem mortalita-
tis est constantiæ, l. 2. §. 13. C. de veteri jure enu-
cleando. Videsis porro sacratissimum Justinia-
num in Confirmatione ff. §. si quid 13. Ad extre-
mum Glorioso DEO, cum quo meos auspiciatus*

C

sum

sum labores pro clementi assistentia, quã mihi
adesse voluit, immortales persolvo grates, eumq;
flexis manibus, ut imposteriorum studiorum meo-
rum curriculum, omnesq; actiones, Spiritus Al-
mi ductu dirigere haud dedignetur, imploro.
Cui Sanctissimo, Sapientissimoq; DEO Patri,
Filio, & Spiritui Sancto sit laus, honor, gloria in
omnem eternitatem.

AUCTARIA seu COROLLARIA.

PRæcedentia excipiunt duo corollaria, inter quæ, quæ-
stio de liberis è nefario coitu natis primum sibi vendi-
cat locum. Numnam liberi è nefario atq; incestuoso coitu
nati, e.g. ex nuptiis inter parentes & liberos contractis vel et-
iam inter fratrem & sororem à parentibus sint alendi? Utor
in gravi hac quæstione placabilis atq; amabilis distinctionis
foedere inter jus Civile & Canonicum. De rigore juris Ci-
vilis ejusmodi liberis denegantur à parentibus alimenta,
nov. 74. cap. ult. & 89. cap. 15. auth. excomplexu C. de ince-
stis nuptiis. auth. licet patri in fin. C. de naturalibus liber.
H A H N. in suis Observ. theoret. Pract. ad W E S E N B. de a-
gnoscent. vel alend. liber. n. 4. Quem rigorem juris Civi-
lis mitigasse creditur jus Canonicum in capit. cum habe-
ret. 5. in fin. extr. de eo, qui duxit in matrim. F Ö R S T. lib. 6.
cap. ult. F A C H I N lib. 6. cap. 10. M T N S I N G. centur 3. obser.
91. G A I L. 2. observ. 88. Schult in sua Synops. p. m. 221. Ratio
qua nititur jus Civile consistit in odio libidinum & studio
atque amore castitatis, quo videlicet magis in hominibus
reprimeretur carnis luxuria ipsiq; parentes in liberis coër-
cerent.

cerentur & punirentur. Ergone hoc in odium liberorum?
Resp. neg. Sed in odium & pœnam ipsorum parentum est in-
troducendum, huc referri possunt Magnifici Rectoris, Viri No-
bitissimi atq; Excellentissimi D. LEDERERI, Patroni mei
usq; & usq; de venerandi Lectiones privatae ad tit. ff. de agno-
scendis vel alendis liberis. Exceptio tamen est, nisi ma-
trimonium per errorem inter prædictas personas contra-
ctum, l. 4. C. de incestis nuptiis. Quæ exceptio etiam lo-
cum habet in jure Saxonico, ibi: Liberi ex matrimonio
per errorem contracto, cum ea persona, cum qua connu-
bium interdictum, nati pro legitimis reputantur per te-
xtum Landrecht lib. 3. art. 27. Concludunt ex his adductis
disfidentes, Ergo liberi fame interire necesse habent?
Resp. Magistratus ex officio liberis alias fame perituris ali-
menta decernit. Ludwel in suis exercit. disput. 10. thes. 2.
lit. K.

II.

Quæritur porro, num fœmina sit homo? Prima fronte
hæc quæstio videtur esse nullius momenti, tum, quia hoc
ex sacra pagina hinc inde, præprimis ex capite 1 vers. 27 c. 2.
5. vers. 2. Genes. patescit. Tum etiam, quia ex legibus Civi-
libus probe id cernere licet, videatur Optimus textus in
l. 152. de V. S. ubi verba clara & intellectui obvia: Hominis
appellatione tam fœminam, quam masculum contineri
non dubitatur. Nobilis. atq; Excell. DN. D. LEISER, Patro-
nus meus venerandus in prælect. public. ad l. 1. C. ad legem
Corneliam de Sicar. l. 52. l. 163. §. 1. l. 1. 195. de V. S. l. 16. de jure
fisci. l. 3. §. 1. de negotiis gestis. l. 3. §. 1. de libero homine exhi-
bendo, l. 7. §. 1. de jurisdic. l. 62. in fin. de leg. 3. Ex his ad-
ductis satis superq; ad oculum patet, fœminam æque ho-
minem esse quam marem. Non dicam tamen C U J A -

C 2

C I U M

ETUM *JCtū* alias admodum celebrem obser. 21. lib. 6. aper-
tè contrarium statuere, quod depromit ex l. aureo calculo
notanda, 38. §. 5. de pœnis: Ubi verba sequentia: *Qui abor-*
tionis, aut amatorium poculum dant, etsi dolo non faciant,
tamen quia mali exempli res est, humiliores in metallum, ho-
nestiores in Insulam, amisfa parte bonorum relegantur: Quod
si MULIER aut HOMO perierit summo supplicio affi-
ciuntur. Ex hisce verbis ad umbilicum hujus §. 5. positus
concludit, foeminam haud esse hominem: Verum enim
vero affirmativa pace tanti viri verior mihi videtur sen-
tentia. Distingvo namq; inter poculum abortionis, quod soli
propinatur mulieri, nunquam viro, & inter poculum amato-
rium, quod tam viro quam foemina propinari potest. ME-
NOCH. de arbitr. jud. q. cas. 3; 7. Hinc enim nulla est oppo-
sitiō inter mulierem & hominem. Si eo, inquit, *JCtus*
Paulus, mulier subaudi abortionis poculo, aut repete ama-
torio, homo, hoc est, vir vel foemina, quam quæstionem ita
enodabat explicabatq; *Vir Nobilis. juxta ac Excellentissimus*
DN. D. WILH. LEISER, Patronus meus et atem de veneran-
du, cum explicaret publicè l. 8. C. ad L. Cornel. de Sicar.
Gœddæ, ad l. 1. de V. S. qui hac de quæstione etiam fusè
lateq; tractat, ut & DN. HAHN ad WESENB. de
Sicar. num. 5. qui præclare hoc etiam
ostendit.

FINIS.



En


AB: 153595

X2617270

R

Vb 17







37

2. S. P. B. U.
DISSERTATIO JURIDICA
De
FRUCTIBUS,

Quam
*Consensu & Autoritate Magnifici Jctorum Ordinis
In Illustrissimâ ad Albim Wittebergâ*

PRÆSIDENTE
RECTORE MAGNIFICO
*VIRO NOBILISSIMO, AMPLISSIMO, CONSULTISSIMO
juxta ac EXCELLENTISSIMO*
**DN. MICHAELE FRIDERICO
LEDERERO,**

Jcto & Antecessore in hac Almâ Leucorea Celeberrimo
Curia Electoralis Scabinatus & Facultatis Juridicæ Assessore
Gravissimo,

*DNO. Patrono desideratissimo, ac Promotore suo usq; & usq;
devenerando,*

Publicæ Eruditorum Ventilationi
officiosè submittit

AUTOR & RESPOND:

JOHANN. SIGISMUNDUS Zannen-Bergl

W. S.

In Auditorio Jctorum
ad diem 17. Junii An. clc lxxi.

Literis MICHAELIS MEYERI.

37